

Headlines

- मुख्य अज्ज अपना संविधान दिवस मना'रदा ऐ। सरकारै संविधान गी अपनाए जाने दे 75 बरे दे सरबंधै च बरे तोड़ी चलने आहले कार्यक्रमें गी मंजूरी दिती ऐ।
- राष्ट्रपति द्रौपदी मुर्मू होरें 26/11 आहले आतंकवादी हमलें च मारे गेदे लोकें गी श्रद्धांजलि भेंट कीती।
- केंद्री गृह मंत्री अमित शाह होरें आखेआ जे नरेंद्र मोदी हुंदी अगुवाई आहली सरकार आसेआ आतंकवाद गी दना बी नेई बर्दाश्त करने आहली नीति गी पूरे मुख्यै च सराहेया गेआ ऐ।
- मौसम विभाग नै अगले त्रै दिनें दौरान मौसम खुश्क रौहने ते 30 नवंबर मगरा बर्फबारी होने दी पेशनगोई कीती ऐ।

<><><><><><>

<><><><><><>

Constitution-Day

अज्ज संविधान दिवस ऐ। अज्जै दे रोज 1949 च संविधान सभा आस्सेआ संविधान गी स्वीकार कीता गेआ हा ते मगरा 26 जनवरी 1950 गी इसी लागू करी दिता गेआ हा। संविधान दिवस दी कीजे एह् 75मीं बरेगं॥ ऐ इस करियै अज्जै थमां साल भर चलने आले समारोहें दी शुरूआत बी कीती जा'रदी ऐ। एह् समारोह् 26 नवम्बर 2025 तगर मुख्य भरै च आयोजत कीते जांगन। इस मौके पर अज्ज संविधान सदन दे केन्द्री कक्ष च लोआए गेदे इक बड़॥ समारोह् च राष्ट्रपति द्रौपदी मुर्मू होरें संसद दे दौनें सदनें गी संबोधत कीता। राष्ट्रपति द्रौपदी मुर्मू होरें भारतीय संविधान गी इक जीवित ते प्रगतिशील दस्तावेज दस्सेआ। जेदे राएं देशै नै सामाजिक न्या ते

समावेशी विकास दे लक्ष्यें गी हासिल कीता ऐ। संविधान दिवस दे मौके पर नमी दिल्ली च संविधान सदन दे केंद्रीय कक्ष च आयोजित कार्यक्रम च बोलदे होई राष्ट्रपति मुर्मु होरें आक्खेआ जे सरकार नै समाज दे सब्बनैं वर्गें खास करी कमजोर वर्गें दे कल्याण आस्तै हाल दे बरें च कैई सारे उपा कीते न। राष्ट्रपति होरें लोकसभा ते राज्य विधानसभाएं च महिलाएं आस्तै आरक्षण कन्नै सरबंधित नारी शक्ति वंदन अधिनियम पारित कीते जाने दी बी सराहना कीती। इस मौके पर उप-राष्ट्रपति जगदीप धनखड़ होरें आक्खेआ जे एह महत्वपूर्ण दिन देशै दे संविधान गी अपनाए जाने दे 75 बरें दे ऐतिहासिक पड़ा गीदर्शान्दा ऐ। एह दुनिया दे सब्बनैं थ्वा बड़ो ते भलेआ अज्जे कल्ले दे गतिशील लोकतंत्र आस्तै इक महत्वपूर्ण उपलब्धि ऐ। उने आक्खेआ जे भारत टकोदे आर्थिक विकास, मजबूत बुनियादी ढांचे ते व्यापक स्तर पर डिजिटल फैलाव कन्नै अगगे बदा र दा ऐ। इने सब्बनैं उपलब्धियें गी अंतर्राष्ट्रीय मंजूरी थहोई ऐ। लोकसभा अध्यक्ष ओम बिरला होरें अपने सम्बोधन च आक्खेआ जे भारतीय संविधान देशै दे लोकें दी बरें दी तपस्या, बलिदान, प्रतिभा ते शक्ति दा नतीजा ऐ। इससै केन्द्रीय कक्ष च लगभग त्रै बरे दी सख्त मेहनत मगरा उने देशै दी भौगोलिक ते सामाजिक विविधताएं गी इक सूत्र च बनने आहला संविधान बनाया। संविधान दिवस दे मौके पर राष्ट्रपति होरें इक यादगारी सिक्का, इक ़ाक टिकट ते दऊं कताबें दा विमोचन कीता। एहदे अलावा संविधान दे संस्कृत ते मैथिली भाशा च संस्करण बी जारी कीते गे। कार्यक्रम दे खीरै च सब्बने सांसदें राष्ट्रपति हुंदे कन्नै संविधान दी प्रस्तावना पढ़ी। इस मौके पर प्रधानमंत्री नरेन्द्र मोदी, कैई सारे केन्द्रीय मंत्री, लोकसभा ते राज्यसभा च विपत्र दे नेता सासंद ते होर दुए मन्ने परमन्ने दे लोक मौजूद हे।

<><><><><>

PM-Constitution Day

प्रधानमंत्री नरेन्द्र मोदी होरें अज्ज संविधान दिवस दे मौके पर सब्बने देशवासिं गी ममारकबाद

दिती ऐ। अपनी इक सोशल मीडिया पोस्ट पर मोदी होरें आखेआ जे संविधान राष्ट्र दा मार्गदर्शक ऐ। मोदी होरें आखेआ जे साढ़ां संविधान मुल्ये दिएं जहारा बरे परानिएं महान परम्पराएं दा आधुनिक सरूप च वर्णन ऐ। उनें आखेआ जे अज्ज देश अपनी बन्न सबन्नी परम्पराएं ते संस्कृतिएं पर मान करदे होई तेजिया कन्ने तरक्की दी बतै पर अगड़े बधे करदा ऐ। प्रधानमंत्री नरेन्द्र मोदी होर अज्ज संजा सुप्रीम कोर्ट च आयोजित संविधान दिवस समारोह च शामिल होंगन। इस मौके पर ओ मजूद लोकें गी संबोधत बी करगंन। एहदे इलावा मोदी होर न्यायपालिका दी सलाना रिपोर्ट बी जारी करगंन। इस मौके पर केन्द्री कनून मंत्री अर्जुन राम मेघवाल, प्रधान न्यायधीश जस्टिस संजीव खन्ना ते सुप्रीम कोर्ट दे होर जज बी मजूद रौंहगन।

<><><><><><>

CJI-Constitution Day

भारत दे मुख न्याधीश न्यायमूर्ति संजीव खन्ना होरें अज्ज आखेआ ऐ जे भारत इक जीवंत लोकतंत्र दे दे तौरा पर उभरेआ ऐ ते देशे दे संविधान नै इस बदलाव च मदाद कीती ऐ। सुप्रीम कोर्ट बार एसोसिएशन आसेआ सुप्रीम कोर्ट च आयोजित संविधान दिवस समारोह गी संबोधित करदे होई न्यायमूर्ति संजीव खन्ना होरें आजादी दे बाद भारतीय लोकतंत्र च संविधान दी भूमिका पर बल दिता। उनें संविधान दिवस पर देशवासियें गी शुभकामनां बी दितियां न।

<><><><><><>

JK-Constitution

जम्मू कश्मीर च बी संविधान दिवस गी बड़ो पैमाने पर मनाया जा'रदा ऐ। आकाशवाणी दे जम्मू संवाददाता नै जानकारी दिती ऐ जे मुख कार्यक्रम श्रीनगर दे शेर कश्मीर कन्वेंशन सेंटर आयोजत कीता जा'रदा ऐ, जित्थें इस मौके संविधान दी प्रस्तावना पढ़ी गई। इस कार्यक्रम दी अगुवाई उप राज्यपाल मनोज सिन्हा होरें कीती। इससै चाल्ती अज्ज सब्बने सरकारी दफ्तरें,

खुदमुक्तेयार निकाय, स्कूलें, कालजें, सार्वजनिक क्षेत्र दे उपक्रमें, च बी विशेश आयोजन कीते जा'रदे न। ग्रामीण विकास ते पंचैतर राज मैहकमे आस्सेआ सब्बने पंचैतें ते अमृत सरोवर आलिएं थाहें पर संविधान प्रस्तावना पढ़ने दे कार्यक्रमें दा सरिस्ता कीता जा'रदा ऐ। सरकारें सब्बने लोकें गी आग्रह कीता ऐ जे ओह संविधान दिवस सरबन्धी कार्यक्रमें ते समारोहें दे फोटू एहदे लेई समर्पत वेबसाइट www.constitution75.com उपपर अपलोड करन। इस बरे इस दिवस दे खास मानयनं न कि जे संविधान गी अपनाए गेदे 75 बरे होआ र दे न।

<><><><><><>

26/11 Anniversary

26 नवंबर 2008 गी मुम्बई च होए दे कायराना आतंकी हमले दी बरे गं दे मौके पर राष्ट्रपति द्रौपदी मुर्मू होरें इस हमले च शहीद होए दे बहादुरें गी श्रद्धांजलि अर्पित कीती। इक सोशल मीडिया पोस्ट च राष्ट्रपति होरें आखेआ ऐ जे राष्ट्र उनें वीर सुरक्षा कर्मियें गी नमन करदा ऐ जिनें देशवासियें दी रक्षा करदे होई अपना खीरी बलिदान देई दिता। इनें शहीदें दे परौआरें कन्नै एकता जतांदे होई राष्ट्रपति होरें आखेआ ऐ जे एह मौका ऐ इस गल्लै गी दोहराने दा जे भारत आतंकवाद गी पूरी चाल्ली कन्नै खत्म करने लेई बचनबद्ध ऐ।

<><><><><><>

Shah 26-11

केन्द्रीय गॉह मंत्री अमित शाह होरें आखेआ ऐ जे नरेन्द्र मोदी हुन्दी अगुवाई आहली सरकार नै आतंकवाद गी दना बी नेई बरदाशत करने दी नीति अपनाई दी ऐ। जेदे करी भारत आतंकवाद रोधी जतनें च दुनिया भरै च सब्बनें थवा अगगे ऐ। मुम्बई आतंकवादी हमले च मारे गेदे लोकें गी श्रद्धांजली भेंट करदे होई शाह होरें एह गल्ल आकखी। शाह होरें आखेआ जे 2008 च कायर ते बूजदिल आतंकवादिएं मासुम लोकें दी मुम्बई च हत्या कीती। उनें 26-11 गी आतंकवादी हमले

च शहीद होए दे शहीदें गी श्रद्धांजली भेंट कीती। 26 नवम्बर 2008 च आतंकवादिणं मुम्बई च हमला कीता ते इस हमले च 166 लोक मारे गए हे।

<><><><><><>

Dy. CM-Scheme

सरकार आसेआ लागू कीती जा'रदी बक्ख-बक्ख मजदूर कल्याण योजनाएं बारै जागरूकता पैदा करने दी जरूरतें पर लोs पांदे होई उपमुख्यमंत्री सुरिंद्र कुमार चौधरी होरें कल आखेआ ऐ जे एहदे कन्नै इस गल्लै गी यकीनी बनाने च मदद थहोग जे जरूरतमंद आबादी तगर इंदा फायदा पुज्जी सकै। उपमुख्यमंत्री होर श्रम मैहकमे दे कम्मकाज दी समीक्षा लेई सद्दी गेदी इक बैठक दौरान अफसरें गी संबोधित करा'रदे हे। चौधरी होरें अफसरें गी आखेआ जे ओह पूरे जम्मू संभाग च जागरूकता शिविरें दा आयोजन करोआन तां जे बक्ख-बक्ख योजनाएं दी जानकारी लोकें तोड़ी पुज्जी सकै। उनें अफसरें गी हिदायत कीती जे ओह इस गल्लै गी यकीनी बनान जे इनें शिविरें च बड़ी बद्द गिनतरी च लोक हिस्सा लैने ते उनेंगी इनें कार्यक्रमें तैहत इनें स्कीमें थमां फायदे हासल करने दी प्रक्रिया बारै बी जानकारी दिती जा।

<><><><><><>

CS-Heritage Exhibition

मुख्य सचिव अटल पुल्लू होरें कल जम्मू-कश्मीर गी बक्ख-बक्ख संस्कृतियें ते परम्पराएं दा थाह करार दिता। अटल पुल्लू होरें एह गल्ल अभिनव थियेटर च विश्व विरासत दिवस दी पूर्व संज्ञा पर कला केंद्र जम्मू आसेआ आयोजित इक विरासत प्रदर्शनी दे उद्घाटन समारोह गी संबोधित करदे होई आक्खी। मुख्य सचिव होरें इस मौके पर बोलदे होई नौजवान पीढ़ी अगगे अपील कीती ऐ जे ओह अपने इलाके दे स्मारकें दा दौरा लान तां जे ओह अपनी ऐतिहासिक विरासत ते संस्कृति बारै समझी ते जानी सकन।

<><><><><><>

ते हुन बाकी दिएं खबरें कन्नै शगुफता चौधरी।

Weather-JK

मौसम विभाग नै अज्ज इस म्हीने दे खीरी 3 दिनें लेई जम्मू-कश्मीर दे किश हिस्सें च बरखा ते किश थाहें पर बर्फ पौने दी पेशगोई कीती ऐ। आकाशवाणी जम्मू दे संवाददाता दी रिपोर्ट मूजब मौसम विभाग दा आखना ऐ जे 29 नवंबर तोड़ी मौसम खुशक रौहग ते 30 नवंबर दी संझा थमां उच्चियें धारें ते बक्ख-बक्ख थाहें पर हल्की दर्जे दी बरखा ते हल्की बर्फबारी होने दी मेद ऐ। पैहली ते 2 दिसंबर गी किश थाहें पर दरम्याने दर्जे दी बरखा होई सकदी ऐ। एहदे मगरा 6 दिसंबर तोड़ी मौसम खुशक रौहग। कश्मीर घाड़ी च ठंू दा कैहर जारी ऐ ते श्रीनगर ते कोकरनाग गी छोड़ियै होरनें थाहें पर कड़ाके दी ठंू पवा'रदी ऐ।

<><><><><><>

Himayat-Courses JK

ग्रामीण विकास मैहकमे ते पंचायती राज दे सचिव मुहम्मद एजाज असद होरें कल हिमायत योजना तैहत बक्ख-बक्ख कोर्सें गी चलाने दी जरूरतें पर जोर भेरआ ते हुनर विकास ते रोजगार पैदा करने च तेजी आहनने लेई आखेआ। उनें आखेआ जे जेहड़े लम्मे समें थमां कोर्स चला'रदे न, उनेंगी बी समें सिर मुकम्मल करन। सचिव होरें जायजा बैठक दी अध्यक्षता करदे होई हिमायत स्कीम तैहत बक्ख-बक्ख परियोजनाएं गी लागू करने आहली एजेंसिएं लेई मंजूरी आर्पर जारी कीते।

<><><><><><>

5th Investors Meet

जम्मू दे उद्योग निदेशालय ते बपार मैहकमे नै पंजीकृत इकाइयें दे निवेशकें गी पेश आवा'रदे मुद्दे गी सुलझाने ते प्रक्रियाएं गी होर बी आसान बनाने लेई इक गल्लबात आहले सत्र दा

आयोजन कीता। जम्मू च बपार गी बेहतर बनाने लेई आयोजित एह 5मीं निवेशकें दी बैठक ही। इस बैठक दी अध्यक्षता जम्मू दे उद्योग ते बपार निदेशालय दे ऍक्टर ऍ. अरुण मन्हास होरें कीती। इस बैठक च औद्योगिक इदारें गी बढ़ावा देने आहलें बी हिस्सा लैता। बैठक दा मकसद उनें प्रमोटरें गी पेश औने आहले मुद्दें गी सुलझाना ते उद्योग ते बपार मैहकमें ते निवेशक समुदाय बशकार रिश्तें गी मजबूत करना हा। इस बैठक बारें अरुण मन्हास होरें आखेआ जे एह बैठक बेहतर बनाने लेई आयोजित श्रृंखला ऐ जेदा मकसद ऐ जे निवेशकें गी पेश आवा'रदी दिक्कतें पर चर्चा कीती जा ते उनेंगी उंदे हल कड्ने बारें जानकारी हासल करोआई जा। अरुण मन्हास होरें उद्योग खेतर गी होर मजबूत बनाने ते जम्मू-कश्मीर च मता निवेश आहनने लेई निवेशकें दी सराहना कीती ते उंदा धन्नवाद बी कीता।

<><><><><><>

Govt. Disaster Fund

केंद्र सरकार नै 15 राज्यें आस्तै आपदा शमन ते क्षमता निर्माण परियोजनाएं लेई 1 हजार 1 सौ 15 करोड़ थवा मते रपे दी मंजूरी दिती ऐ। केंद्रीय गृह मंत्री अमित शाह हुन्दी अध्यक्षता च इक उच्च स्तरीय समिति नै इस कोष गी मंजूरी दिती ऐ। समिति नै 8 पूर्वोत्तर राज्यें आस्तै 3 सौ 78 करोड़ रुपये, उत्तराखण्ड ते हिमाचल प्रदेश आस्तै 139-139 करोड़ रुपो, महाराष्ट्र आस्तै इक सौ करोड़ रुपये, कर्नाटक ते केरल आस्तै 72-72 करोड़ रुपये ते तमिलनाडु ते पश्चिम बंगाल आस्तै 50-50 करोड़ रुपये दी मंजूरी दिती ऐ।

<><><><><><>

IFFI-Goa

गोवा च चलै करदे भारत दे अंतर्राष्ट्रीय फिल्मोत्सव दा अज्ज 70 कोला मतियां फिल्मां दस्सियां जां र'दियां न। फिल्मोत्सव दे अज्ज 6में रोज दस्सी जाने आलियें फिल्में च भारत दियां किश प्रमुख फिल्मां जिंदे च इण्डिया वोटस, स्ट्राइड ते बियां द कोर्ट : द इण्डियन ब्हीलचेयर बास्केटबॉल

जर्नी बी शामिल न। इस मौके फिल्में दे प्रसारण लेई ऐसी बवस्था कीती गेदिएं ऐ जे नेत्रहीन लोक सुनियै ते सुनी नेई सकने आले संकेत भाशा राएं इनें फिल्में दा नंद लेई सकदे न। फिल्मां दिक्खने आलें लेई थेटर दे इलावा ओपन एयर थेटरें ते समुंद्रै दे कं० बी फिल्मां दस्सने दी बवस्था कीती गेदी ऐ तां जे ओ इंदा हर मुमकिन बेहतर ढंगै नै नंद ठोआई सकन।

<><><><><>

Guterers-Women

संयुक्त राष्ट्र दे महासचिव एंटोनियो गुतरेस होरें महिलाएं ते कुड़ियें खलाफ हिंसा दे मामले गी खत्म करने लेई कार्रवाई करने दा आह्वान कीता ऐ। कल मनाए गेदे महिलाएं खलाफ हिंसा उन्मूलन अंतरराष्ट्रीय दिवस लेई इक सनेह च महासचिव होरें आखेआ जे महिलाएं ते कुड़ियें खलाफ हिंसा दी महामारी मनुक्खता गी शर्मसार करदी ऐ। उनें इस गल्लै दी चैंता जाहिर कीती जे हर रोज तकरीबन 140 महिलाएं गी उंदे परौआर च कुसै आसेआ मारी दिता जंदा ऐ। उनें आखेआ जे हर त्रुं महिलाएं चा तकरीबन इक गी अजें बी शारीरिक जां यौन हिंसा दा सामना करना पवा रदा ऐ ते हालात होर बी बिगड़दे जा करदे न। उनें इस गल्लै पर जोर भरेआ ऐ जे इस हिंसा खलाफ इकजुट होने दी जरूरत ऐ।

<><><><><><>

JK-Information Security

जम्मू कश्मीर सरकार नै अपने अधिकारिं गी गलाया ऐ जे खुफिया ते बड़ी मती खुफिया जानकारीं गी इंटरनेट उप्पर सांझा नेई करन ते विशेष जानकारी उप्पर चर्चा करदे दुरान स्मार्ट फोन गी बैठक कक्ष दे बाह्र जमा कराई देना लोड़चदा ऐ। सरकार ने अधिकारिं ते कर्मचारिं बशकार संवेदनशील खुफिया ते बड़ी मती खुफिया जानकारी प्रसारत करने लेई वट्स ऐप, जीमेल ते इयै जनेह होर दुए मंचे दा इस्तेमाल करने दे बधार'रदे चलन बारे चैंता बुज्झी ऐ। जारी इतलाह

મૂજબ એહદે કન્નૈ જાનકારી દી ગોપનીયતા તે સુરક્ષા બારે સંવેધનશીલતા પૈદા હોંદી એ। સરકાર ને ગલાયા એ જે ત્રીયે પક્ષ દે સંચાર ઉપકરણેં દા ઇસ્તેમાલ કરને કરી ાટા દી લોઆંગના તે ખુફિયા જાનકારી દે લીક હોને સનેં કેઈં હોર દુએ ખતરે પૈદા હોઈં સકદે ન।

<><><><><>